

Art Rules & Spinner Agency:

Ta Presenta: "10 Days 1 Play", crea pa Aruba su talentonan nobo!

Dos siman mas prome cu Art Rules lansa su sub proyecto 10 Days 1 Play. Director di Teatro Ira Kip lo lansa su prome edicion cu espacio pa 20 Artista forma parti di dje. Hunto nan lo crea un produccion teatral completo basa riba e topico di beyesa.

Reasons to be Pretty, un obra teatral skirbi pa Neil LeBute, lo sirbi como e inspiracion di e produccion, cual lo ta uno cu ta investiga nos standard di beyesa den e sociedad rapido, domina pa media social y tecnologia rapido, cu nos ta biba aden. Participantenan lo tin e oportunidad pa comparti nan storianan y ideanan personal, y Ira lo guia nan pa skirbi nan mesun storia. Participantenan lo mester pensa na un manera diferente pa asina nan por crea e mundo di nan obra teatral riba e escenario, con cu esaki por musta, sin presupuesto.

Esaki en berdad ta trata di crea algo di nada! 10 Days 1 Play ta pa cualkier persona

entre 14 y 23 aña di edad. Participantenan por registra riba e website di Artrules.org/10days1play ademas di crea un video di audicion di 15 seconde pa Instagram. 'Nos kier a crea un manera excitante pa studiantenan por aplica y te cu awo e videonan di Instagram a sali super creativo y excelente' Ira a bisa.

10 Days 1 Play lo cuminsa riba dia 9 di November, cu ensayonan tumando luga den e oranan di anochi den siman y ensayonan di fin di siman tumando luga mainta y atardi. E 10 dianan lo ta parti entre e luna di November pa asina nan no tin conflicto cu hopi di e scolnan na Aruba cu lo tin tentamen rond di e mesun simannan aki, 'nos no kier pa e proyecto ta den conflicto cu e estudio di cualkier persona, ya cu nos kier pa tur hende por participa' Ira a bisa.

Ira Kip a sirbi como e Director Artistico di e programa di Art Rules desde su inauguracion na 2010. Asina mes el a keda un practicante y educador

activo di teatro pa mas di un decada, cual a resulta den un premio di Dutch Caribbean Pearl Award na 2014, pa su trabou como un escritor di obranan teatral. Na 2012 el a skirbi y dirigi She' Baltimore, e prome produccion di teatro tocante violencia domestico den e comunidad LGBTQ, cual tambe a resulta den un Certificado di Resolucion for di e alcalde di Baltimore City. Cu e obra aki, Ira ta drenta historia como e prome Arubiano pa ricibi un certificado honorario di e nivel aki na Baltimore, Merca. Na December, Ira lo colabora cu actor y trahado di film Raymi Sambo pa crea un produccion di teatro reaccionario basa riba e morto di Aruba su mesun Mitch Henriquez, durante e Right About Now Festival na Amsterdam. Lamentablemente Mitch tabata e victima di brutalidad policial den e zomer di 2015. E obra mes lo enfoca riba con violencia di polis ta causando mortonan entre hende color scur y color bruin tur caminda.

Na 2016 Ira lo cuminsa traha riba su produccion di teatro di 3 parti, Riot or Revolution (Rel of Revolutie)



basa riba e eventonan di 30 di Mei 1969 na Corsou, un obra teatral cu mester a wordo crea hopi tempo pasa caba, e ta splica. Ira ta di e opinion cu teatro ta e manera perfecto di expresa con e ta sinti riba asuntonan cu ta afecta nos tur, specialmente

e hubentud. Pa añanan el a sirbi como un educador na New York, Washington DC y Amsterdam y e ta extremadamente contento di por fin por sirbi e hubentud y dirigi un produccion completo di teatro riba su isla di Aruba. □